

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（131）



國家圖書館出版社

中國地方志佛道教文獻匯纂·寺觀卷
浙江省 湖州市

雙林鎮志

清·蔡蓉升纂修 蔡蒙續纂修
清同治九年（一八七〇）纂
民國六年（一九一七）重纂
上海商務印書館鉛印本

雙林鎮志卷九 原纂

吳興 蔡蓉升 雪樵 原纂 吳興 蔡松 旬宣 采錄

吳興 張福瑄 桐孫 補錄

吳興 蔡蒙 原青 編次

杭縣 徐珂 仲可 校字

廟寺 附教堂

六總管廟 在化成橋南即觀音堂基明嘉靖中建地頗曠前有吹臺乾隆間修
嘉慶丙子又修按道光二十五年廟與吹臺俱燬於火各緣行抽釐重建吹臺
石柱舊有聯云吹徹玉簫三橋鳳舞擲來鐵笛雙漾龍吟姚鏡塘撰極典切不
能移置他處咸豐庚申辛酉之亂神像吹臺盡燬惟廟屋尙存今已葺而新之
東嶽廟 在露印庵東石漾(吳志)卽舊鄉約所順治辛卯建(彙攷)康熙中改
爲嶽廟被火乾隆乙酉里人陳魯傳捐修并募建敞廳行宮吹臺(縣志)露印

僧聖風建庵兼司鄉約所香火康熙間復建范中丞承謨祠爲士民志去思卽今地藏殿也〔續記〕天鍾正氣額及陳一夔撰緯武經文事業昭垂兩浙精忠亮節靈爽炳著千秋聯尙存按廟至道光咸豐間踵事增華廟東南隅增設轎房西北建樓房三月二十八日爲聖誕燈彩輝煌鋪陳華麗吹臺演唱百戲雜陳咸豐辛酉廟燬於寇惟存頽垣瓦礫同治七年里人募建寢宮寧波人建敞廳轎會人建轎房以後會事歲有增盛補至光緒庚子因夜會滋事日會亦不禁自絕事詳紀略

關聖廟 在化成橋直北卽碑亭一作關帝殿大門額曰武聖宮前有吹臺清咸豐辛酉毀於火

藥王廟 在斗姥閣東與閣連寧紹藥材公所奉神農像於中乾隆五十八年藥業公買談姓地嘉慶初建或云乾隆乙巳建咸豐辛酉毀於火補宣統年重建土地廟二 一卽禹王宮殿在禹王殿東與宮基連道光乙巳燬於火里人蔡汝

炳捐資重建一在大通橋東咸豐戊午里人鄭祖琳俞兆南陸星槎嚴瑞芝等募置劉顧二姓地及凌姓捐助之地建廟並祀蠶神庚申辛酉草創規模工未竣遽燬於寇補光緒年里人募資重建

七總管廟 在東林創自元季〔彙攷〕康熙丁巳重建有吹臺乾隆辛卯修按道

光廿九年大水牆柱傾欹咸豐元年重修辛酉燬於寇〔陳志〕六七兩總管不知何神大約金元間陸戚兩姓有功敕封者非六七弟兄也〔庚己編〕七總管

蘇郡人金姓名元行七按無字宏治八年陸州博士李佑建昌祠碑記元季搆兵

李文忠平之有人馬旌旄擁從前後命巫祝之曰金元七總管也生而靈異早

沒爲神李上聞勅封利濟侯立祠祀之總管其職元史置各路總管時行海運

諸路請加封神廟故有隨糧王之稱近又稱安樂王未詳所自補光緒間重建

完整

東林土地廟 在普光橋西與總管廟連〔吳志〕牆垣頽落烟火稀微卽十二景

雙林鎮志

卷九

廟寺 教堂附

一一

民國六年冬印

枯廟也康熙丁巳里人重建附於總管廟東

祠山廟 在呂莊安吉埭〔吳志〕竹木扶疎亦一清境

白廟 在小洪結五圩〔續記〕南宋時建以白牆得名蒼松古柏蔭鬱成林春時社會最早

雙堂主廟 在白廟東北川家兜南烏程歸安分界處

宋富鄭公廟 在儒林東棟子村

三林土地廟 在觀音橋西南隔河臨水奉松亭鄉土地神每歲二月初二日爲誕日婦女拈香頂禮甚衆按舊時廟屋甚窄道光間住僧募建山門旁殿僧樓梵唄鐘魚終日不絕咸豐辛酉燬於寇〔凌志〕聞聞庵故址卽土地廟爲本鎮土地祠今廢

禹王宮 在萬魁橋南旁有土地堂故又稱土地廟〔縣志〕吳總管祠前向有禹王堂數椽明成化中總管祠裔吳伯明夢禹王至其地遂捨基二畝以拓其宇

前有甬道直抵官河萬曆辛卯裔孫吳小樓重修沈祠有記始延道士王景暘司香火里人以小樓齒德足爲鄉約長又額其前宇曰鄉約所順治癸巳明經吳至請於郡邑募修增飾舊制冕旒端肅殿高七十尺爲一鎮之望廟址賦役吳氏子孫世永納焉〔吳志〕康熙丁未吳氏復修山門邑侯古燕陳延簡有序廟裔吳世英疏請邑侯至鎮常講鄉約於此按道光中年里人創行社會於二月二日昇像行香頗極喧鬧乙巳被災全廟俱燬吳氏惟築祠宇里人蔡汝炳建東首土地堂禹廟未建咸豐辛酉吳祠兵燬惟土地廟存〔漁唱〕蕭森玉樹繡苔斑橘柚龍蛇只等閒疏鑿宏謨垂萬禩長留敝冕仰遺顏

斗姥閣 在織旋漾東北談家兜口〔倪志〕舊名指雲道院康熙二十四年乙丑本里全真道人姚文叔字冲斗號隱漢募建上奉斗姥下祀呂祖旁列草屋數楹爲修煉所羽化卽葬於其南〔續記〕乾隆間閣將圯晨舍僧法容募修山門復舊規西創佛殿名靜梵禪院嘉慶丙寅閣下增設雷祖像移呂祖像於右設

有仙方靈籤右側設司藥姚真人位

即陳

〔戴志〕閣前建玉皇殿又前爲靈官

殿顏山門曰玉清宮道光十七年閣殿將圯里衆修閣徐吉士謙捐修玉皇殿及淨梵禪院蔡汝琳修靈官殿蔡慶城同弟醇建孫真人殿於閣西楊震山丁玉琳徐謙建殿樓於其後專奉呂祖像兩殿庭均植梅樹門外鋪石道補種榆柳又築河埠二一達宮門一達院門咸豐辛酉年盡燬於寇〔袁履村詩〕竹冠芒屨儘探幽那及松扉片刻留境擬白猿仙叟窟閣同黃鶴酒家樓清泉味敵瓊漿美孤磬聲兼玉笛秋笑顧吾廬纔一水更從何處覓滄洲〔漁唱〕風撼虛檐鐵鳳聲丹梯百丈接瑤京輜輶笙鶴無消息浪指仙人衛叔卿補光緒年蔡養和重建閣

奎文閣 在石漾水鏡寺南虹橋港口吾鎮無文閣形家亦嫌東逝之水去路雜汊關鎖未緊乾隆辛卯湯在文俞厚村等始延杰塘沈朗亭定基於此募資築基建閣西向四面軒窗正對萬元橋中洞癸巳落成上奉文昌武曲神像水鏡

寺僧主之癸卯修嘉慶乙亥重修姚學壞有疏碑見道光十七年鄭祖琛又修

塾址加潤護以石欄咸豐辛酉神像軒窗俱燬於寇現已修整頓復舊觀（續

記）吾村自沈莪村喬辛酉鄉薦後斷科三十年辛卯文閣初建卽有費筠塘

葆登秋榜甲午俞見林芬元鄉闈又捷嗣後科甲連綿地理或不誣乎按閣有

渡船斗姥閣僧主之往則於隔河喚渡每年二月初三文昌誕辰士人羣往拈

香禮玉局心懺一日

天寧閣 在新街按今惟一小閣在街心朝南街內無行路各鋪於神誕日拈香

致祭

文昌殿二 一在南靜庵後殿樓上一在武聖宮西咸豐辛酉俱燬於寇

總管堂 在塘支灣一作堂主〔吳志〕祀含山鄉總管神

財神堂 在萬魁橋南堍上有三義閣〔吳志〕五月十三日碑亭武聖社會蓋昉

於此

蕭堂五聖 在孫家灣〔續記〕乾隆乙酉左右隣火祠獨不燬

太君堂 在放生橋東卽放生庵嘉慶丁卯里人重建供南堂太君神按舊時廟

止數楹後衆阜坊抽釐疏建觀音殿及大殿後樓築吹臺廟貌巍峨香火極盛

每歲正月十一聖誕前後數日祝獻演唱士女聚觀河舫酣歌喧闐竟日咸豐

辛酉燬於寇〔郡志〕協順廟在石塚祀宋兵馬都監陸圭〔宋文及翁廟記〕神

姓陸諱圭字朝璋世爲昭慶軍人生熙寧間以祖澤補右爵兩調泗洲直州兵

馬都監宣和中小歎發粟賑飢民存活無算適方臘弄兵軍師調公引兵駐浙

江進嚴瀨與賊鏖戰賊敗績遁師還錢塘而卒遂爲潮神紹興間海濤衝激江

岸神役陰兵治之潮勢始平嘉定間飛蝗蔽天神見雲端驅之苗不爲害淳祐

間錢塘復大決隨築隨圯神與三女揚旂空中浮石江面以顯其靈隄賴以成

帥臣徐奩以其事聞於朝乃賜廟曰協順爵曰廣陵侯封其妻姚爲花錦夫人

三女爲顯濟爲永濟爲通濟皆夫人立廟是邦地曰石塚余寓苕日久且官宗

伯實掌邦禮治神人職兼翰墨咸淳甲戌神之曾孫陸子宣備述本末請記於余誼不獲辭於是乎書

聖堂 在大通橋東堧咸豐十年燬於寇

觀音堂 在化成橋南一作觀音殿〔吳志〕卽六總管廟基廢於明末北際佛閣

康熙初猶存今爲民房

李王堂二 一在談家兜一塘河頭

太慈隱寺 舊傳云在苕溪卽東林未詳其址亦不知何時建或曰古東林寺也

〔名蹟錄〕元至正丙申崑山顧阿瑛奉母避難溪上寓太慈隱寺母喪誦經寺

中會葬者以萬計元末廢於兵

水鏡寺 在石漾東俗呼水居寺以其在水中央也唐德宗貞元中建

縣志作拓

基甚廣宋爲最勝叢林南渡猶盛元中峯明本禪師卓錫於此僧徒數百人明初常遇春攻湖拒戰被戮殿宇俱燬遂爲牆裏吳氏墓地崇禎癸未釋通隱有

志恢復有序〔縣志〕順治年間僧寂緣募吳氏塋南地重建其徒照源守承之
〔吳志〕康熙甲辰吳氏舍墓旁地僧素志掘土得瓷物孟鉢熙寧錢及古水鏡
寺碑因復興曹村金文通相國有中峰傳衣額〔續記〕乾隆辛卯佛閣傾圯寺
僧募修〔沈泊村詩〕憶從勝國初殺戮何慘橫百年復舊觀一鉢復一磬〔漁
唱〕棲鵲流螢夜未闌水居岑寂寄僧單劫灰不共湖波去龍夜還衣佛火寒
〔烏鎮吳雲村詩〕四面都環水僧居不染塵燈明飄夜雨草綠隔溪春喚渡籬
巡犬敲鐘渚聚鱗莫言非地主祖墓舊爲鄰〔徐蛟門鼎詩〕古刹鏡中央山門
對夕陽旛幢林影密鐘梵水聲長岸泊漁家笛簷飛估客檣寥寥人境外鷗鷺
自迴翔

靈濟寺 在盛林山麓創自元明歷代修葺居然勝地按咸豐初里婦鄭凌氏捐
貲改山門爲金剛殿又於東道建土地殿後建僧樓大殿西爲安樂王殿每歲
春社聚此後卽山埠咸豐辛酉八月燬於寇金剛殿存現已逐年興建

法昌寺 在木瓜墩一名法昌禪院宋咸平二年建〔吳志〕明萬曆戊午修

妙嚴寺 在洪城村舊名東際寺後改今額明天順中僧宗達重建佛殿僧廊

水心禪院 在鴻墩明正統中建有月江淨禪師塔里人張淵撰銘司寇閔夢得

額周蕃勤葵額

清光院 在花林村

靈壽禪院 在塘支灣西一名南詢菴一名南靜室〔吳志〕明沈文學楷故居國

初被盜焚僧澄觀普慈創〔縣志〕雍正間天目支子高蒼重建改今名〔續記〕

南詢本華嚴法界品贊福成東際童子南詢百城煙水渺無垠補光緒年寺僧

盡散里人稟改商會

澄心庵 在慶善庵西南寶帶橋西一名中庵唐咸通十二年建十步報恩寺分

此明宣德間僧性萇海及熙堂創共四房萇海本牆裏吳氏子卽千一裔孫〔

縣志〕國初禪僧石樹岳爲則範諦輝輅俱開講重修康熙三十八年諦輝住

持杭州靈隱寺迎鑾合旨賜額及聯今懸於東寮正殿額曰禪門法紀聯曰禪心澄水月法鼓聚魚龍續記東中房有梵書閣石樹建西中房有來麟閣爲則建尤宏敞沈容薌侍御曾授讀其中署門曰有法頭陀寺無官御史臺蓋宋太學生語後官終臺諫人以爲識云

華嚴庵 在澄心庵後三元橋堍凌志本名法真道院一名三官殿羽士所居後易僧彙攷殿前焚紙鑪薜荔覆古色蒼斑年久將圯雍正庚戌里人王德齋談靜庵捐修殿宇并築之臨河復護石欄

雨花庵 在環興橋南唐大順三年石塚青蓮寺分支縣志宋寶慶五年鼎建行僧敬林重修彙攷本東西兩房雍正間西房僧散佚今存其一東友石山房雲根數朶苔蘚鏽蝕乾隆間德清沈漫士孝廉寓研最久有此間原有機緣在竟作雲堂弟子員句

放生庵 在和睦兜放生橋東卽今太君堂凌志康熙間里人召僧主放生事

故名

太平庵 在太平里卽壩橋廟舊祇橋上築亭明隆慶三年改爲佛閣吳兼作文記之明季寇亂里人以鎮北水口險要築壩防堵建閣瞭遠國初復開壩爲橋仍立佛閣乾隆間修嘉慶辛酉重修其西有樓遙臨風光漾雲帆煙樹歷歷在目卽明吳小樓真率園也後廢於兵旋改爲廟道光十六年丙申住僧不戒於火閣與樓俱燬二十年庚子里人陸鳳韶鄭祖琳募貲建閣越數年鳳韶子祖惠像宋名臣曹武惠王於閣設籤方濟世頗著靈異二十四年甲辰惠與衆米牙公置真率園舊基重建西樓像金龍四大王於樓下爲議公燕息之所咸豐庚申辛酉之亂焚燬俱盡現又陸續重建

菩提庵 在石漾南岳廟對岸〔吳志〕康熙丁未僧大山建丙辰旋廢歸水鏡寺今祇存空地〔續記〕岳廟賽會時遊人雜沓於此

淇園庵 在碑亭西〔景攷〕本鄭氏靜室國初屬關聖廟前有藥師殿後爲文昌

祠壘石修竹地頗清曠

露印庵 在萬元橋北又名護生禪院今呼護生庵〔吳志〕順治甲午里人置放生河於石漾鄭文學夢生延玉琳國師開講捨地爲庵召僧護視故名康熙丙午僧印禪募創適郡守吳公菌次綺微行至此其攜印爲僧所見因留詩於壁改題露印郡人吳翰林光跋其事〔彙攷〕壬申僧庵芥針募建大悲閣將成癸未火僧無學復募鄭口口捨地建金剛殿山門〔續記〕乾隆丙戌僧德昌濬兩池築迎仙普度橋每夏荷花盛開書場茶肆充盈如市甲午里人凌森玉湯在文等重建大悲閣於殿後高七十餘尺四面軒窗石柱崇階平臺廣闊東改藥師殿爲紫雲堂齋廚僧舍井井有條金碧輝煌巍然一巨刹矣按建閣後以費罄不卽完工至道光二十年萬元橋告成餘有疏錢遂於閣上鋪板下砌方磚重加髹漆始臻完善咸豐辛酉燬於兵祇存瓦礫矣〔費佩三耐俗樓叢記〕蔭次先生留宿庵中詩〕五馬初來領郡城偶因禪室訪民生誓教水魅藏踪影